



CAPITALIA
Finansije i Računovodstvo

Porezne i poslovne novosti

Newsletter

Sarajevo, Juni i Juli 2015.



Dužnosti i obaveze koje donosi novi Zakon o unutrašnjem platnom prometu za poslovne subjekte

Uvod

Novi zakon o unutrašnjem platnom prometu uređuje:

- obavljanje platnog prometa u FBiH,
- određuje sudionike i organizacije ovlaštene za obavljanje poslova platnog prometa,
- definira vrste računa,
- načine i oblike plaćanja,
- izvršenje plaćanja i prinudnu naplatu s računa,
- postupanje, prava i obveze sudionika u unutrašnjem platnom prometu.

Razlog za donošenje ovog zakona jest što zakonski okvir koji uređuje platni promet u Federaciji BiH nije unapređivan od 2001. godine, to jest od prijenosa poslova platnog prometa sa Zavoda za platni promet na komercijalne banke i Centralnu banku BiH (početkom 2001.) i pored prisutnih problema i nedostataka u njegovom funkcioniranju u praksi.

Novim zakonom je, zbog manjkavosti u postojećem platnom prometu, nužno bilo regulisati i unaprijediti postupak prinudne naplate, koji će u situaciji neplaćanja obaveza od dužnika osigurati blokadu svih sredstava na računima dužnika kod ovlaštenih organizacija do konačnog izmirenja duga.

Ovim zakonom je predviđeno da svi nalozi za prinudnu naplatu glase na glavni račun poslovnog subjekta i dostavljaju se na izvršenje banci koja ga vodi.

Pored navedenog, ovim zakonom je propisano da je poslovni subjekt dužan **novčana sredstava voditi na računima kod banaka i sva plaćanja obavljati preko tih računa, a Vlada FBiH će propisati uvjete i način plaćanja gotovim novcem**. Vlada treba propisati uvjete plaćanja gotovim novcem u roku 60 dana od dana stupanja na snagu ovog zakona.

Dužnosti i obaveze koje trebaju ispuniti poslovni subjekti

Ovaj zakon je donijeo i neke nove dužnosti i obaveze za poslovne subjekte. Pokušat ćemo ih sve navesti koristeći kaznene odredbe zakona u slučaju ne ispunjavanja istih.

Novčanom kaznom u iznosu od 5.000 KM do 10.000 KM kaznit će se za prekršaj poslovni subjekt ako:

a) ne otvori račune za plaćanja i novčana sredstva ne drži na računima u skladu sa članom. 6. stav (1) ovoga Zakona.

Prema Članu 6. stavak (1) za potrebe plaćanja, poslovni subjekti su dužni otvoriti račune u ovlaštenim organizacijama i novčana sredstva su dužni voditi na tim računima i vršiti plaćanja preko računa u skladu sa ovim Zakonom i zakonom koji uređuje platne transakcije. Međusobna prava i obveze uređuju zaključivanjem ugovora o otvaranju i vođenju računa.

b) ne odredi glavni račun u skladu sa članom 10. stav (4) ovoga Zakona i ne postupi u skladu sa članom 11. ovoga Zakona,

Član 10. stav (4): Ako poslovni subjekt u ovlaštenim organizacijama ima više od jednog računa za redovno poslovanje, **dužan je odrediti račun (u daljnjem tekstu: glavni račun)** na kojem će se izvršavati nalozi za plaćanje carina i carinskih dažbina, posebnih poreza-trošarina, poreza na

dodanu vrijednost, poreza na dohodak i drugih poreza po posebnim propisima, nalozi za plaćanje doprinosa iz plaća i na plaće, nalozi za ostale javne prihode po posebnim propisima, nalozi za prisilnu naplatu zakonskih obveza i javnih prihoda, nalozi za naplatu vrijednosnih papira i instrumenata osiguranja plaćanja, te nalozi za izvršenje sudskih odluka i drugih izvršnih isprava (u daljnjem tekstu: nalozi za prisilnu naplatu) i voditi evidencija o neizvršenim nalogima za plaćanje.

Član 11. Stavak (2): Poslovni subjekt može promijeniti glavni račun samo ako na tom računu nema evidentirane neizvršene naloge za prinudnu naplatu i drugom redovitom računu kod druge ovlaštene organizacije dodijeliti status glavnog računa, uz podnošenje dokaza u pisanoj formi ovlaštenoj organizaciji koja vodi glavni račun o određivanju drugog redovitog računa kao glavnog računa.

c) vrši plaćanja suprotno članu 16. stav (5) ovoga Zakona,

Član 16. stav (5): Zabranjeno je korištenje sredstava koja platitelj ima na računima kod ovlaštenih organizacija, a koja su blokirana na temelju naloga za prinudnu naplatu.

d) vrši plaćanje u gotovom novcu suprotno čl. 18. i 20. ovoga Zakona,

Član 18. zakona: Načini plaćanja su: bezgotovinsko, gotovinsko i obračunsko. (2) Bezgotovinsko plaćanje je prijenos sredstava s računa platitelja na račun primatelja. (3) Gotovinsko plaćanje je izravna predaja gotovog novca između sudionika, uplata gotovog novca na račun i isplata gotovog novca s računa sukladno propisu iz članka 15. stavak (2) ovoga Zakona.

Prema članu 15. Stav (2) Vlada FBiH će propisati uslove i način plaćanja gotovim novcem. Rok za propisivanje ovih uslova je 60 dana od dana stupanja na snagu ovog zakona.

Član 20. zakona: Zabranjeno je poslovnim subjektima da izmiruju svoje obveze gotovim novcem ako imaju blokirane račune sukladno ovom Zakonu ili ako je u suprotnosti s propisom iz članka 15. stavak (2) ovoga Zakona, a gotov novac ostvaren obavljanjem registrirane djelatnosti dužni su položiti na račune u ovlaštenim organizacijama sukladno propisu iz članka 15. stavak (2) ovoga Zakona.

e) vrši obračunsko plaćanje suprotno članu 21. ovoga Zakona,

Član 21. zakona: (1) Obračunsko plaćanje je namirenje međusobnih novčanih obveza i potraživanja između sudionika bez upotrebe novca. (2) Obračunsko plaćanje obavlja se kompenzacijom, cesijom, asignacijom, preuzimanjem duga te drugim oblicima međusobnih namira obveza i potraživanja sukladno zakonu kojim se uređuju obvezni odnosi.

f) ne postupi u skladu sa članom 40. st. (2) i (3) ovoga Zakona.

Član 40. st. (2) Poslovni subjekti koji, prije stupanja na snagu ovoga Zakona, imaju otvorene račune u bankama dužni su iste uskladiti prema članku 8. ovoga Zakona ili otvoriti nove račune i odrediti glavni račun sukladno članku 10. ovoga Zakona, u roku od pet mjeseci od dana stupanja na snagu ovoga Zakona.

Član 8. st. (2) Računi organizacijskih dijelova poslovnog subjekta i računi za posebne namjene sastavni su dio računa za redovno poslovanje poslovnog subjekta preko jedinstvenog identifikacijskog broja ili matičnog broja, ako zakonom, odnosno drugim propisom nije drukčije određeno.

Član 10. stav (5) Poslovni subjekt je dužan podnijeti zahtjev za određivanje glavnog računa ovlaštenoj organizaciji u pisanoj formi.

Član 40. st. (3) Poslovni subjekti iz stava (2) ovoga člana dužni su podnijeti zahtjev bankama za zatvaranje svih računa koji nisu u skladu sa članom 10. ovoga Zakona i izvršiti prijenos sredstava na račune iz stava (2) ovoga člana.

Za prekršaje iz stava (5) ovoga člana kaznit će se odgovorna osoba poslovnog subjekta novčanom kaznom u iznosu od 1.000 KM do 1.500 KM.

Novčanom kaznom u iznosu od 2.500 KM do 5.000 KM kaznit će se za prekršaj poslovni subjekt ako:

a) ne otvori račune sukladno čl. 7. i 8. ovoga Zakona,

Član 7. : Poslovni subjekti iz Federacije mogu otvoriti račune za redovno poslovanje kod ovlaštenih organizacija sa sjedištem u Federaciji i organizacijskih dijelova ovlaštenih organizacija iz Republike Srpske i Brčko Distrikta Bosne i Hercegovine, koje posluju u Federaciji i imaju dozvolu za obavljanje usluga platnog prometa koju je izdala Agencija. (2) Organizacijski dijelovi poslovnih subjekata sa sjedištem u Federaciji koji posluju u Republici Srpskoj i Brčko Distriktu Bosne i Hercegovine moraju imati otvorene račune organizacijskog dijela kod ovlaštenih organizacija sa sjedištem u Republici Srpskoj i Brčko Distriktu Bosne i Hercegovine, koje imaju dozvolu Agencije za bankarstvo Republike Srpske. (3) Organizacijski dijelovi poslovnih subjekata sa sjedištem u Republici Srpskoj i Brčko Distriktu Bosne i Hercegovine, koji posluju u Federaciji, moraju imati otvoren račun organizacijskog dijela kod ovlaštenih organizacija u Federaciji.

b) ne obavijesti ovlaštenu organizaciju o promjeni podataka koji se vode u evidenciji računa ovlaštene organizacije u skladu sa članom 33. stav (2) ovoga Zakona.

Za prekršaje iz stava (7) ovoga člana kaznit će se odgovorna osoba poslovnog subjekta novčanom kaznom u iznosu od 1.000 KM do 1.500 KM.

Zaključak

Novi zakon bi trebao unaprijediti postupak prinudne naplate sa računa poslovnih subjekata te dodatno regulisati gotovinsko poslovanje.

S tim u vezi poslovni subjekti će u roku 5 mjeseci morati odrediti tzv. Glavni račun (jedan od transakcijskih računa koje imaju otvorene kod banaka) sa kojeg će se vršiti sva plaćanja javnih prihoda. Banke će račune poslovnih jedinica u sklopu jedne banke morati voditi kao podračune (sastavne dijelove) glavnog računa. Ukoliko je potrebno poslovni subjekti će moći promijeniti Glavni račun uz određenu proceduru obavještanja banke i naravno ukoliko glavni račun nije blokiran.

Pored navedenog u roku 60 dana Vlada FBiH će propisati uslove i način plaćanja gotovim novcem.

Zakon o unutrašnjem platnom prometu možete preuzeti na linku:

<http://www.capitalia.ba/bs/vijesti/zakon-o-unutra-njem-platnom-prometu>

Novi propisi

Tokom juna i jula 2015. godine objavljeni su, između ostalog, sljedeći propisi vezani uz područje poreza, doprinosa, finansija te poslovanja općenito:

„Službeni glasnik BiH“

- ✚ Saopćenje o prosječnoj mjesečnoj bruto i neto plaći zaposlenih u Bosni i Hercegovini za mart 2015. godine („Službeni glasnik BiH“, broj 43/2015 01.06.2015.)
- ✚ Odluka o iznosu RTV takse („Službeni glasnik BiH“, broj 45/2015 08.06.2015.)
- ✚ Odluka o visini stope kompenzatorne kamate za period od 01. jula 2015. godine do 31. decembra 2015. godine („Službeni glasnik BiH“, broj 48/2015 16.06.2015.)
- ✚ Odluka o određivanju velikih obveznika indirektnih poreza („Službeni glasnik BiH“, broj 50/2015 23.06.2015.)
- ✚ Saopćenje o prosječnoj mjesečnoj bruto i neto plaći zaposlenih u Bosni i Hercegovini za april 2015. godine („Službeni glasnik BiH“, broj 52/2015 30.06.2015.)

„Službene novine FBiH“

- ✚ Pravilnik o izmjeni i dopunama Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH“, broj 44/2015 10.06.2015.)
- ✚ Saopćenje o prosječnoj isplaćenoj mjesečnoj neto i bruto plaći zaposlenih u Federaciji Bosne i Hercegovine za maj 2015. godine („Službene novine Federacije BiH“, broj 46/2015 17.06.2015.)
- ✚ Zakon o unutrašnjem platnom prometu („Službene novine Federacije BiH“, broj 48/2015 24.06.2015.)
- ✚ Tarifa revizorskih usluga („Službene novine Federacije BiH“, broj 52/2015 08.07.2015.)
- ✚ Pravilnik o izmjenama i dopunama Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH“, broj 53/2015 10.07.2015.)

„Službene novine Kantona Sarajevo“

- ✚ Saopćenje o prosječnoj isplaćenoj mjesečnoj neto plaći zaposlenih u Kantonu Sarajevo za april 2015. godine („Službene novine Kantona Sarajevo“, broj 23/2015 18.06.2015)

Kratke poslovne vijesti



Izmjene zakona: Osnovica za obračun doprinosa povećava se za 5 posto?

<http://www.akta.ba/>

Federalna vlada utvrdila je Prijedlog zakona o izmjenama i dopunama Zakona o doprinosima i uputila ga u parlamentarnu proceduru na usvajanje po hitnom postupku.

Osnovni razlog za ove izmjene je stvaranje pravnog osnova za stimuliranje proizvodnje u niskoakumulativnim djelatnostima.



Kako sami možete uplaćivati doprinose za zdravstveno osiguranje i staž

<http://www.klix.ba/>

Ukoliko niste zdravstveno osigurani jer ne radite, niste prijavljeni na biro i nemate supružnika ili roditelja koji bi vas mogao osigurati, možete se osigurati tako što ćete, ukoliko imate sredstava, zdravstveno uplaćivati sami sebi. Isto možete uraditi i za penziono-invalidsko osiguranje.



Elektronsko praćenje obveznika

Prve vrijednosne grupe

<http://www.new.uino.gov.ba>

Uprava za indirektno oporezivanje završila je prvu fazu Pilot projekta „Elektronsko praćenje obveznika Prve vrijednosne grupe (E-kontrola). Projekat se definira kao kontinuirano praćenje obveznika Prve vrijednosne grupe putem sistema djelimičnih kontrola i elektronske razmjene podataka, a provodi se na način da se porezni obveznici prate i kontroliraju tokom čitave kalendarske godine po osnovu djelimičnih kontrola.

Za više informacija, kontaktirajte:

CAPITALIA d.o.o.

Karpuzova 13
71 000 Sarajevo

Tel. + 387 33 574 500

Tel. + 387 33 574 501

Fax. + 387 33 574 500

info@capitalia.ba; www.capitalia.ba

dipl.oec. Nedim Haverić

e-mail: nedim.haveric@capitalia.ba

dipl.oec. Maja Lojo

e-mail: maja.lojo@capitalia.ba

dipl. pol. Aida Durmo

e-mail: aida.durmo@capitalia.ba

dipl.oec Adnan Habibija

e-mail: adnan.habibija@capitalia.ba

dipl.oec. Ahmed Mesihović

e-mail: ahmed.mesihovic@capitalia.ba

dipl.oec. Emina Aldžić

e-mail: emina.aldzic@capitalia.ba

www.capitalia.ba



Referenc lista:

Ibes d.o.o. | Organska kontrola d.o.o. | B&B Projekt d.o.o. | Enova d.o.o. | Brothers Jichi d.o.o. | Poslovna inteligencija d.o.o. | Earth First Goods & Services d.o.o. | Auto-elektronik d.o.o. | Euro-rent d.o.o. | DPA systems d.o.o. | Walter IT Solutions d.o.o. | ProBest d.o.o. | UniCredit Leasing d.o.o. | Spržo Company d.o.o. | Econ d.o.o. | Erweil-Denner d.o.o. | Glass – restoran | Ordinacija Gavrankapetanović | Ordinacija Estetica Dentis | Ramis | Rahatlook | Kewser – udruženje | OK-udruženje | Udruženje Vjeroučitelja | Magacin Kabare – udruženje | Udruženje Kultura sjećanja | Croatia Airlines d.d. predstavništvo u BiH | Averroe | Hotel Belvedere | Media Capital d.o.o. | RING d.o.o. | SEE Change Net | Mrkva Group d.o.o. | Guliver Trgovine d.o.o. | Akademija 387 d.o.o. | Udruženje Zemlja Dinarika | NEST 71 | Udruženje HUB 387 |

Ova publikacija je pripremljena u julu 2015. godine kako bi zainteresiranim osobama pružila određene korisne informacije o porezima, računovodstvu i drugim poslovnim temama. Namjenjena je malim preduzećima. Ne preporučujemo da je koristite kao osnovu za određivanje porezne obveze ili da bi se odredila strategija investiranja u danim okolnostima. U svim slučajevima preporučujemo da se obratite stručnom savjetniku. Informacije sadržane u ovom materijalu su opće naravi i nije im namjera adresirati okolnosti bilo kojeg pojedinca ili društva. Iako nastojimo navesti tačne i pravodobne informacije, ne možemo jamčiti da su te informacije tačne na datum njihovog primitka, niti da će ostati tačne u budućnosti. Nitko ne bi trebao djelovati na temelju takvih informacija bez odgovarajućeg stručnog savjeta, nakon temeljitog ispitivanja pojedine situacije.